



REPUBLIKA E SHQIPËRISË
**ENTI RREGULLATOR I SEKTORIT TË
FURNIZIMIT ME UJË DHE LARGIMIT E PËRPUNIMIT
TË UJËRAVE TË NDOTURA
KOMISIONI KOMBËTAR RREGULLATOR**

VENDIM

Nr. 39, datë 01.06.2018

PËR LICENCIMIN E SH. A. UJËSJELLËS KANALIZIME KONISPOL

Në zbatim të nenit 14, pika 1/a, nenit 17, të ligjit nr. 8102, datë 28.03.1996 "Për kuadrin rregullator të sektorit të furnizimit me ujë dhe largimit e përpunimit të ujërave të ndotura", VKM nr. 958, datë 06.05.2009 "Për miratimin e kategorive të licencimit dhe të procedurave për aplikim për licence", si dhe Rregullores së licencimit miratuar me vendim të KKRR nr. 29 datë 08.12.2009 "Për procedurat e dhënies dhe rinovimit të licencave profesionale për subjektet juridike e fizike që ushtrojnë veprimtari në sektorin e furnizimit me ujë dhe largimit e përpunimit të ujërave të ndotura", e ndryshuar dhe pasi shqyrtoi relacionin e përgatitur nga Drejtoria Teknike Ekonomike, mbi aplikimin e shoqërisë Ujësjiellës Kanalizime Konispol për licencim për herë të parë, Komisioni Kombëtar Rregullator,

Konstatohet se:

- Shoqëria Ujësjiellës Kanalizime Konispol ka aplikuar pranë ERRU për licencim për herë të parë me shkresën me nr. 18 prot. të datës 06.03.2018 për ofrimin e shërbimit të furnizimit me ujë dhe largimin e ujërave të ndotura;
- Shoqëria Ujësjiellës Kanalizime Konispol është themeluar më datë 20.08.2017 si shoqëri aksionere me një nivel administrimi në pronësi të Bashkisë Konispol, në përputhje me parashikimet e VKM nr. 63, datë 27.1.2016 "Për riorganizimin e operatorëve që ofrojnë shërbimin e furnizimit me ujë të pijshëm, grumbullimin, largimin dhe trajtimin e ujërave të ndotura". Kjo shoqëri është regjistruar në QKB në datën 29.12.2018 me NUIS L74829801V;
- Në dosjen e aplikimit mungonte dokumenti i ekstraktit të regjistrimit tregtar për të dhënat e subjektit shoqëria Ujësjiellës Kanalizime Konispol. Dosja u plotësua më datë 28.05.2018.
- Objekt i aktivitetit në Ekstraktin e QKB është vetëm shërbimi i furnizimit me ujë dhe dokumentacioni mbi asetet e shoqërisë tregon se shoqëria Ujësjiellës Kanalizime

Konispol ka në zotërim vetëm asetet e sistemeve të furnizimit me ujë edhe pse emrin shoqëria e ka ujësjellës kanalizime;

- Aplikimi i shoqërisë Ujësjellës Kanalizime Konispol plotëson të gjitha kërkesat e parashikuara në Rregulloren e Licencimit mbi licencimin për herë të parë vetëm për shërbimin e furnizimit me ujë, konkretisht:
 - Formati i aplikimit është paraqitur dhe plotësuar në mënyrë korrekte;
 - Dokumentacioni juridik dhe administrativ është paraqitur dhe plotësuar në mënyrë korrekte.

Për gjithë sa më sipër, Komisioni Kombëtar Rregullator,

VENDOSI:

1. Licencimin e operatorit Ujësjellës Kanalizime Konispol sh.a me:

Drejtues Ligjor dhe Drejtues Teknik Lefter Ballabani

2. Operatori sh.a. Ujësjellës Kanalizime Konispol autorizohet të kryejë veprimtarinë përkatëse të kualifikuar në kategorinë:

Kategoria A, Për grumbullimin dhe shpërndarjen e ujit për konsum publik;

3. Zona e shërbimit të këtij operatori është Bashkia Konispol.
4. Kjo licencë është e vlefshme për një periudhë 4 (katër) vjeçare.

Ky vendim hyn në fuqi menjëherë.

Ky vendim publikohet në Fletoren Zyrtare.

K R Y E T A R I

Ndriçim SHANI



REPUBLIKA E SHQIPËRISË
ENTI RREGULLATOR I SEKTORIT TË FURNIZIMIT ME UJË DHE
LARGIMIT E PËRPUNIMIT TË UJËRAVE TË NDOTURA
KOMISIONI KOMBËTAR RREGULLATOR

VENDIM

Nr.100, datë 25.08.2020

PËR NJË NDRYSHIM NË VENDIMIN NR. 39, DATË 01.06.2018, “PËR LICENCIMIN E
SH.A UJËSJELLËS KANALIZIME KONISPOL”

Në mbështetje të nenit 13, 14, 16 dhe 17 të ligjit nr. 8102 datë 28.03.1996 "Për kuadrin rregullator të sektorit të furnizimit me ujë dhe largimit e përpunimit të ujërave të ndotura", i ndryshuar (**Ligji nr. 8102**), VKM nr. 958, datë 06.05.2009 "Për miratimin e kategorive të licencimit dhe të procedurave për aplikim për licencë" (**VKM nr. 958**), si dhe vendimit të Komisionit Kombëtar Rregullator nr. 29, datë 08.12.2009 "Për procedurat e dhënies dhe rinovimit të licencave profesionale për subjektet juridike e fizike që ushtrojnë veprimtari në sektorin e furnizimit me ujë dhe largimit e përpunimit të ujërave të ndotura", e ndryshuar (**Rregullore e licencimit**),

Komisioni Kombëtar Rregullator,

në mbledhjen e datës 25.08.2020 pasi shqyrtoi çështjen me objekt: "Mbi miratimin e projekt vendimit "Për një ndryshim në vendimin e Komisionit Kombëtar nr. 39, datë 01.06.2018 "Për licencimin e sh.a Ujësjetllës Kanalizime Konispol",

Vëren se:

1. Shoqëria Ujësjetllës Kanalizime Konispol (**UK Konispol**) me shkresën nr. 75 prot. datë 21.07.2020, me lëndë "Dërgim dokumentacioni për ndryshimin e drejtuesit ligjor dhe drejtuesit teknik të sh.a Ujësjetllës Kanalizime Konispol" ka paraqitur pranë Entit Rregullator të Sektorit të Furnizimit me Ujë dhe Largimit e Përpunimit të Ujërave të Ndotura (**ERRU**) kërkesën për rinovim të licencës për efekt të ndryshimit të drejtuesit ligjor dhe drejtuesit teknik të shoqëruar me dokumentacionin sipas përcaktimeve të parashikuara në VKM nr. 958 dhe Rregullores së Licencimit.
2. Komisioni Kombëtar Rregullator (**KKRR**) e gjeti paraqitjen e kërkesës së UK Konispol për rinovim licence për efekt të ndryshimit të drejtuesit ligjor dhe drejtuesit teknik në konformitet me kriteret dhe procedurën e parashikuar në VKM nr. 958 dhe Rregulloren e Licencimit.
3. KKRR ka licencuar shoqërinë UK Konispol për herë të parë me vendimin nr. 39, datë 01.06.2018 "Për licencimin e sh.a Ujësjetllës Kanalizime Konispol", me një afat 4 vjeçar, ku shoqëria

autorizohet të ofrojë shërbimin e grumbullimit dhe shpërndarjes së ujit për konsum publik, si dhe largimit të ujërave të ndotura.

4. Drejtuesi ligjor i shoqërisë UK Konispol sh.a. z. Altier Xhaferi, ka mbaruar studimet e larta në Ekonomi në vitin 2009.
5. Drejtuesi teknik i shoqërisë UK Konispol sh.a. z. Aurenc Shehu ka mbaruar studimet e larta Master Profesional në Inxhinieri e Burimeve Natyrore në profilin Gjeomatik në vitin 2013.
6. ERRU në vlerësimin e kërkesës për ndryshimin e licencës për efekt të ndryshimit të drejtuesit ligjor dhe drejtuesit teknik ka marrë në konsideratë përmbushjen nga ana e UK Konispol sh.a të kërkesave të ligjit nr. 8102, të VKM nr. 958 dhe Rregullores së Licencimit, në mënyrë të veçantë sa i takon garantimit që i licencuari të veprojë në përputhje me kushtet e licencës së tij dhe të mbrojë interesat e konsumatorëve në lidhje me cilësinë, efikasitetin, vazhdueshmërinë dhe garancinë e shërbimit.

Për gjithë sa më sipër Komisioni Kombëtar Rregullator, pasi arriti në përfundimin se aplikimi i UK Konispol është i bazuar ligjërisht dhe plotëson kërkesat ligjore të parashikuara në kuadrin rregullator në fuqi,

VENDOSI:

1. Në pikën 1 të vendimit të KKRR nr. 39, datë 01.06.2018 “Për licencimin e sh.a Ujësjellës Kanalizime Konispol” bëhen këto ndryshime:

“Drejtues Ligjor Altier Xhaferi”

“Drejtues Teknik Aurenc Shehu”

Ky vendim hyn në fuqi menjëherë.

Ky vendim publikohet në Fletoren Zyrtare.

KRYETAR
Ndriçim Shani